

Timbalan Pengarah DBKL, pembantu didakwa rasuah lindungi pusat hiburan haram

SHAHALAM: Timbalan Pengarah Penguatkuasa Dewan Bandaraya Kuala Lumpur (DBKL) dan pembantunya mengaku tidak bersalah di Mahkamah Sesyen di sini, atas pertuduhan rasuah bagi melindungi aktiviti pusat hiburan tanpa lesen tahun ini.

Tertuduh, Muhamad Irwan Abdullah, 44, dan Zahari Muhammad, 34, membuat pengakuan itu selepas tiga pertuduhan dibacakan di hadapan Hakim Datuk Anita Harun.

Berdasarkan dua pertuduhan, mereka didakwa dengan niat bersama meminta RM200,000 dan menerima RM160,000 secara bulanan daripada seorang lelaki berusia 62 tahun, sebagai dorongan tidak mengambil tindakan penguatkuasaan ke atas pusat hiburan tanpa lesen di bawah jagaan lelaki berkenaan.

Muhamad Irwan yang juga Timbalan Pengarah Penguatkuasaan dan bapa kepada lima anak itu turut didakwa menerima suapan berjumlah RM130,000 daripada individu itu atas tujuan sama.

Kesemua perbuatan itu dilakukan di sebuah restoran di Puchong antara Februari hingga 5 Jun lalu.

Justeru, mereka didakwa mengikut Seksyen 16 (a)(A) Akta Suruhanjaya Pencegahan Rasuah Malaysia (SPRM) 2009 dibaca bersama Seksyen 34 Kanun Keseksaan dan boleh dihuk-



ZAHARI Muhammad (kanan) dan atasannya, Muhammad Irwan Abdullah (tiada dalam gambar) dihadapkan ke Mahkamah Sesyen, di Shah Alam, Selangor, semalam. - UTUSAN/ISKANDAR SHAH MOHAMED

kum di bawah Seksyen 24 Akta SPRM.

Sabit kesalahan mempe-
runtukkan hukuman penjara
sehingga 20 tahun dan denda
tidak kurang lima kali ganda
nilai suapan atau RM10,000,
mengikut mana-mana lebih
tinggi.

Pada prosiding sama, seorang pegawai penguatkuasa Majlis Perbandaran Kajang (MPKj) turut didakwa memperoleh suapan RM2,000 daripada seorang lelaki berusia 42 tahun supaya tidak menguatkuasakan sepe-

nuhnya Akta Jalan Parit dan Bangunan 1974 yang dilanggar syarikat itu.

Tertuduh, Azrin Ramli, 48, bagaimanapun tidak mengaku bersalah dan kesalahan mengikut Seksyen 17 (a) Akta SPRM itu memperuntukkan hukuman penjara sehingga 20 tahun dan denda tidak kurang lima kali ganda nilai suapan atau RM10,000.

Perbuatan itu dilakukan di hadapan sebuah premis perniagaan di Hulu Langat pada 4.26 petang, 24 Mei lalu.